

"মিষ্টি বাচ্চারা - এই পুরানো দেহের ভানকে ভুলে যাও, এর প্রতি মমত্ব দূর করো, তাহলেই তোমরা ফার্স্ট ক্লাস শরীর প্রাপ্ত করতে পারবে, তোমাদের এই শরীর তো শেষ হয়েই আছে"।

প্রশ্ন :- এই নাটকের অটল নিয়ম কি, যে কথা মানুষ জানে না ?

উত্তর :- যখন জ্ঞান থাকে তখন ভক্তি থাকে না, আবার যখন ভক্তি থাকে তখন আবার জ্ঞান থাকে না। যখন পবিত্র দুনিয়া ছিল তখন একজন মানুষও পতিত ছিল না আবার যখন পতিত দুনিয়া থাকে তখন একজনও পবিত্র থাকে নাএই হল নাটকেইর অটল নিয়ম, যে নিয়ম কোনো মানুষই জানে না।

প্রশ্ন :- সত্যিকারের "কাশীর মুক্তি" (কাশী কলবট) কাকে বলা হবে ?

উত্তর :- অন্তিম সময়ে কারো স্মরণই যেন না আসে। এক বাবা-ই যেন স্মরণে থাকে। একেই বলা হয় "কাশীর মুক্তি"। "কাশীর মুক্তি" অর্থাৎ পাশ উইথ অনার হওয়া। যাতে সামান্যতম সাজাও না খেতে হয়।

গীত :- তোমাদের দ্বারে এসেছি প্রতিজ্ঞাবদ্ধ হতে.....

ওম্ শান্তি। বাবা বাচ্চাদের বুঝিয়ে বলেন। কারণ বাচ্চারাও যেমন বাবাকে আপন করেছে ঠিক তেমনই বাবাও বাচ্চাদের আপন করেছে। কেননা এই দুঃখধাম থেকে মুক্ত করে শান্তিধাম আর সুখধামে একমাত্র বাবাকেই নিয়ে যেতে হবে। এখন তোমরা সেই সুখধামে যাওয়ার জন্য যোগ্য তৈরী হচ্ছ। পতিত মানুষ কখনো পবিত্র দুনিয়ায় যেতে পারবে না। এর কোনো নিয়ম নেই। এই পবিত্র দুনিয়ায় যাওয়ার নিয়ম একমাত্র তোমরা বাচ্চারাই জানো। সমস্ত মানুষই এই সময় পতিত এবং বিকারী। যেমন তোমরাও পতিত ছিলে, কিন্তু সেইসব অপগুণ দূর করে তোমরা এখন সর্বগুণ সম্পন্ন দেবী - দেবতা হতে চলেছ। গানেও এই কথা বলা আছে যে -- আমরা জীবনমৃত অবস্থা পেতে বা তোমার হতে এসেছি। এখন তুমি যে মত দেবে সেই মতেই আমরা চলবো। কারণ তোমার মতই হল সর্বোত্তম মত। আর এই দুনিয়ায় যে সকল অন্য মত আছে সে সবই আসুরী মত। এতটা সময় ধরে আমরা তো জানতামই না যে আমরা আসুরী মতে চলেছি। না দুনিয়ার মানুষ বুঝতে পারে যে তারা ঈশ্বরীয় মতে চলেছে না, তারা রাবণের মতে চলেছে। বাবা বলেন যে, "বাচ্চারা অর্ধেক কল্প ধরে তোমরা রাবণের মতে চলে এসেছ"। সে হল ভক্তিমার্গ বা রাবণ রাজ্য। বলা হয় *রাম রাজ্য জ্ঞান কান্ড আর রাবণ রাজ্য ভক্তি কান্ড*। তাহলে হল জ্ঞান, ভক্তি আর বৈরাগ্য। কিন্তু কিসের বৈরাগ্য? ভক্তি আর পুরানো দুনিয়ার থেকে বৈরাগ্য। জ্ঞান হল দিন আর ভক্তি হল রাত। রাতের পর তো দিনই আসে। পুরানো দুনিয়া আর ভক্তির থেকে বৈরাগ্য আনতে হবে। এ হল সঠিক বেহদের বৈরাগ্য। সন্ন্যাসীদের বৈরাগ্য আবার আলাদা। তারা কেবল ঘর সংসারের বৈরাগ্য নেন। এও এই নাটকে নিহিত আছে। এ হল হদের বৈরাগ্য বা প্রবৃত্তির সন্ন্যাস। বাবা বোঝান যে - "তোমরা বেহদের সন্ন্যাস কিভাবে করবে। তোমরা হলে আত্মা। ভক্তিতে আত্মা বা পরমাত্মার জ্ঞান থাকে না"। আমরা আত্মারা কি, কোথা থেকে আসি, আমাদের কি অভিনয় করতে হয়, ভক্তিতে

কিছুই জানা যায় না। সত্যযুগে কেবল আত্মার জ্ঞান থাকে। আমরা আত্মারা এক শরীর ছেড়ে অন্য শরীর ধারণ করি। সত্যযুগে পরমাত্মার জ্ঞানের দরকার হয় না, তাই সেখানে কেউ পরমাত্মাকে স্মরণ করে না। এই নাটক এমনভাবেই বানানো হয়েছে। বাবা হলেন সর্বজ্ঞানী। এই সৃষ্টিচক্রের আদি - মধ্য এবং অন্তের জ্ঞান বাবার কাছেই আছে। বাবা-ই তোমাদের এই আত্মা আর পরমাত্মার জ্ঞান দিয়েছেন। তোমারা যে কোনো লোককেই জিজ্ঞেস করতে পারো যে আত্মার স্বরূপ কি? তারা বলবে আত্মা হল জ্যোতি - স্বরূপ। কিন্তু তা কি জিনিস সে বিষয় কেউই জানে না। এখন তোমরা জানো যে আত্মা হল খুব ছোটো একটি বিন্দু, তারার মতো। বাবাও ঠিক তারার মতো। কিন্তু তাঁর অনেক মহিমা। এখন বাবা তোমাদের সামনে এসে বোঝান যে তোমরা কিভাবে মুক্তি আর জীবনমুক্তি পেতে পার। বাবার শ্রীমতে চললে তোমরা উঁচু পদ পেতে পারবে। মানুষ দান - পুণ্য, যজ্ঞ ইত্যাদি করে থাকে। তারা ভাবে যে এসব করলে ভগবান আমাদের দয়া করে এখান থেকে নিয়ে যাবেন। কি জানি কখন না কখন ভগবানকে পাওয়া যায়। তোমরা তাদের জিজ্ঞেস করো, কবে পাবে? তখন তারা বলবে, এখনো অনেক সময় আছে, অন্তিম সময়ে ঠিক পাওয়া যাবে। মানুষ সম্পূর্ণ অন্ধকারে আছে। তোমরা এখন প্রকাশের আলোয় এসেছ। তোমরা এখন গুপ্ত রূপে পতিত মানুষদের পবিত্র বানানোর নিমিত্ত হয়েছ। তোমাদের এই কাজ খুব শান্তি সহকারে করতে হবে। এমন ভালোবেসে সকলকে বোঝাও যে মানুষ থেকে দেবতা বা কড়ি থেকে হীরের তুল্য এক মুহূর্তেই হতে পারে। এখন বাবা বলেন, কল্পে কল্পে আমাকে এসে বাচ্চাদের সেবায় উপস্থিত হতে হয়। এই সৃষ্টিচক্র কিভাবে চলে সেইকথা বুঝিয়ে বলতে হয়। সত্যযুগে দেবতারা খুব আনন্দে থাকে। তারা বাবার বর্ষা বা সম্পত্তি প্রাপ্ত করেছে। তাই কোনো চিন্তার বিষয় নেই। এই গায়ন আছে যে "আল্লার বাগিচা।" সেখানে সব মহলই হীরে আর জহরতের ছিল, সকলেই ধনবান ছিল। এইসময় বাবা তোমাদের জ্ঞান - রত্নের দ্বারা অনেক ধনবান বানাচ্ছেন। এরপর তোমরা একনশ্বর শরীরও প্রাপ্ত করবে। এখন বাবা তোমাদের বলেন যে দেহ - অভিমান ছেড়ে দেহী - অভিমানী হও। এই দেহ আর দেহ - সম্বন্ধীয় যা কিছুই আছে সবই পার্থিব বস্তু। তোমরা নিজেদের আত্মা নিশ্চয় করো, কারণ ৮৪ জন্মের জ্ঞান তোমাদের বুদ্ধিতে আছে। এখন নাটক সম্পূর্ণ হয়ে এসেছে তাই নিজের ঘরে ফিরে চলো। বুদ্ধিতে যেন তোমাদের এই কথা থাকে যে এখন এই পার্থিব দুনিয়া ছাড়ছি, তখনই বুদ্ধির যোগ বাবার সঙ্গে থাকবে আর বিকর্মও বিনাশ হবে। গৃহস্থ জীবনে থেকে পদ্ম ফুলের মতো পবিত্র থাকতে হবে। সবোত্তম থেকেও পৃথক এবং সবকিছুর উর্ধ্বে থাকো। বানপ্রস্থীরা বাড়ি ঘর ছেড়ে সাধুদের কাছে গিয়ে বসে থাকে। কিন্তু এই কথাই তারা জানে না যে সেখানে কি পাবে। *বাস্তবে মানুষের মমত্ব তখনই দূর হয় যখন তারা প্রাপ্তি সম্বন্ধে জানতে পারে*। অন্তিম সময়ে সন্তান - সন্ততিও স্মরণে আসে না। এখানে তোমরা জানতে পারো যে এই পুরানো দুনিয়ার থেকে মমত্ব দূর করতে পারলেই বিশ্বের মালিক হতে পারব। এখানকার প্রাপ্তি অনেক বড়। বাকি দুনিয়ার মানুষ যা কিছুই পড়ে সবই অল্পকালের সুখের জন্য। ভক্তিও করে অল্পকালের সুখের জন্য। মীরার সাক্ষাত্কার হয়েছিল কিন্তু রাজ্য তো পায় নি।

তোমরা জানো যে বাবার মতে চললে তোমরা অনেক বড় পুরস্কার পাবে। পবিত্রতা, শান্তি এবং সমৃদ্ধি স্থাপন করার জন্য তোমরা কত পুরস্কার পাও। বাবা বলেন এখন এই দেহের ভান ত্যাগ করো। আমি তোমাদের সত্যযুগে একনশ্বর দেহ আর দেহের সম্বন্ধী দেবো। ওখানে দুঃখের কোনো চিহ্ন থাকবে না, তাই এখন সম্পূর্ণভাবে আমার মতে চলো। মাগ্না, বাবা চলেছিলেন তাই প্রথম বাদশাহী তাঁরাই প্রাপ্ত করবেন। এইসময় তাঁরা জ্ঞান - জ্ঞানেশ্বরী হন আর সত্যযুগে রাজ -

রাজেশ্বরী হবেন। ঈশ্বরের জ্ঞানে তোমরা রাজার রাজা হতে পারো কিন্তু সত্যযুগে এই জ্ঞান থাকে না। এই জ্ঞান তোমরা এখনই পেয়ে থাক। এখন তোমাদের এই দেহ - ভান ত্যাগ করতে হবে। আমার স্ত্রী, আমার সন্তান, এইসব ভুলতে হবে। এইসবই প্রায় মৃত অবস্থায় আছে কল্পনা করতে হবে। আমাদের শরীরও মৃত মনে করতে হবে। আমাদের তো বাবার কাছে যেতে হবে। এইসময় আত্মার জ্ঞানও কারোর নেই। সত্যযুগে আত্মার জ্ঞান থাকে। তাও অন্তিম সময়ে যখন শরীর বুড়ো হয়ে যায় তখন আত্মা বলে - এখন আমার শরীর বুড়ো হয়েছে এখন আমাকে নতুন নিতে হবে। প্রথমে তোমাদের মুক্তিধামে যেতে হবে। সত্যযুগে এমন কথা বলবে না যে ঘরে যেতে হবে। না। ঘরে ফেরার সময় এখনই। এখানে তোমাদের সামনে বসিয়ে কিভাবে একটু একটু করে বুদ্ধিতে বসানো হয়। সামনে বসে শোনা আর মুরলী পড়ার মধ্যে রাত দিনের তফাত। আত্মার এখন নিজের পরিচিতি মিলেছে যাকে জ্ঞানের চক্ষু বলা হয়। এই কথা বোঝার জন্য কত বিশাল বুদ্ধি চাই। ছোট তারার মতো আত্মাতে কতো বড় পার্ট ভরা আছে। এখন বাবার পিছনে আমরাও যাবো। সবার শরীরই শেষ হয়ে যাবে। এই পৃথিবীর ইতিহাস এবং ভৌগলিক অবস্থান আবার রিপিট হবে। তোমাদের গৃহত্যাগ করার প্রয়োজন নেই। কেবল মমত্ব দূর করতে হবে আর পবিত্র থাকতে হবে। কাউকে দুঃখ দিও না। প্রথমে নিজে জ্ঞানের মন্ডন করো তারপর সবাইকে সেই জ্ঞান শোনাও। শিববাবা তো বিচার সাগর মন্ডন করেন না। তিনি বাচ্চাদের জন্য এই কথা বলেন। তবুও এটাই বোঝো যে শিববাবা তোমাদের বোঝাচ্ছেন। ব্রহ্মাবাবার এইকথা মনে হয় না যে তিনি শোনাচ্ছেন। শিববাবাই শোনান। একেই নিরহংকারিতা বলা হয়। একমাত্র শিববাবাকেই স্মরণ করতে হবে। বাবা যে বিচার সাগর মন্ডন করেন, তাই শোনান। এখন বাচ্চারাও তাঁর অনুসরণ করছে। যতটা সম্ভব নিজের সঙ্গে কথা বলতে থাকো, রাতে জেগেও চিন্তন চালানো উচিত। শুয়ে নয়, উঠে বসে চিন্তা করা উচিত। আমি আত্মা কতো ছোটো একটি বিন্দু। বাবা কতো জ্ঞানের কথা বুঝিয়ে বলেছেন - এ হল সুখদাতা বাবার জাদু। বাবা বলেন তোমাদের নিদ্রাজয়ী বাচ্চা হতে হবে এবং দেহের সঙ্গে সঙ্গে দেহের মিত্র সম্বন্ধীদেরও ভুলতে হবে। এই সমস্ত কিছুই শেষ হয়ে যাবে। আমাদের বাবার থেকেই বর্ষা বা সম্পত্তি নিতে হবে আর সবার থেকে মমত্ব দূর করে গৃহস্থ জীবনে থেকে পবিত্র থাকতে হবে। শরীর ত্যাগের সময় কোনো আসক্তি যেন না থাকে। সবাইকে সত্যিকারের "কাশীর মুক্তি" (কাশী কলবট) পেতে হবে। স্বয়ং কাশীনাথ শিববাবা তোমাদের বলেন যে আমি তোমাদের সবাইকে নিতে এসেছি। "কাশীর মুক্তি" এখন তোমাদের পেতেই হবে। এখনই প্রাকৃতিক বিপর্যয় আসার সময়। সেই সময় তোমাদের বাবার স্মরণে থাকতে হবে। কাশীতে মানুষ ঈশ্বরের স্মরণে থেকেই কুয়োতে ঝাঁপ দিত। কিন্তু এই কুয়োতে ঝাঁপ দিলে কিছুই হবে না। এখানে তো তোমাদের এমন হতে হবে যাতে সাজা না খেতে হয়। না হলে উঁচু পদ পেতে পারবে না। বাবার স্মরণে থাকলেই বিকর্ম বিনাশ হয়। সাথে সাথে এই জ্ঞানও তোমাদের আছে যে তোমরাই ৮৪ জন্মের চক্র সম্পূর্ণ করবে। এই জ্ঞান ধারণ করতে পারলে তোমরা চক্রবর্তী রাজা হতে পারবে। কোনো বিকর্ম তোমরা করো না। কিছু জিজ্ঞেস করতে হলে বাবার কাছে জিজ্ঞেস করতে পারো। সার্জন তো আমি একজনই। চাইলে বাবার সামনে বসে জিজ্ঞেস করতে পারো অথবা চিঠি লিখেও জিজ্ঞেস করতে পারো, বাবা তোমাদের রাস্তা বলে দেবেন। বাবা কতো ছোটো, ঠিক তারার মতো। কিন্তু তাঁর মহিমা কতো গুরুত্বপূর্ণ। তিনি কর্তব্য করেছিলেন তাই তো তাঁর মহিমা গাওয়া হয়। ঈশ্বরই হলেন সবার সঙ্গতি দাতা, তাই তাদেরও জ্ঞানদাতা হলেন পরমপিতা পরমাত্মা, যিনি জ্ঞানের সাগর।

বাবা বলেন - বাচ্চারা , এক বাবাকে স্মরণ করো আর অতি মিষ্টি হয়ে যাও । শিববাবা কতো মিষ্টি । তিনি ভালোবেসে সকলকে বুঝিয়ে বলেন । বাবা যদি প্রেমের সাগর হন তাহলে তিনি অবশ্যই সকলকে ভালোবাসবেন । বাবা বলেন মিষ্টি - মিষ্টি বাচ্চারা, মন - বচন এবং কর্মে কাউকেই দুঃখ দিও না । যদি কারোর সঙ্গে তোমাদের শত্রুতাও থাকে তবুও কাউকে দুঃখ দেওয়ার চিন্তা যেন তোমাদের বুদ্ধিতে না আসে । সবাইকে সুখের কথাই তোমাদের বলতে হবে । কারোর জন্যই মনে খারাপ চিন্তা রেখো না । দেখো *দুনিয়ার লোক শংকরাচার্য ইত্যাদি সন্ন্যাসীদের কত বড় বড় রূপোর সিংহাসনে বসিয়ে রাখে । এখানে শিববাবা যিনি তোমাদের কড়ি থেকে হীরে তুল্য বানান , তাঁরও তো হীরের সিংহাসন হওয়া চাই , কিন্তু শিববাবা বলেন আমি পতিত শরীর আর পতিত দুনিয়াতেই আসি । দেখো বাবা কিভাবে তাঁর আসন নিয়েছেন । নিজের থাকার জন্যও তিনি কিছুই চান না* । যেখানে খুশী থাকতে পারতেন । এই গাওয়াও হয় যে, ভগবান এসে কারো পুরানো দেহে নিজেকে আবৃত রেখে নিজের কাজ করে দেখান । এখন বাবা তোমাদের স্বর্ণ যুগের পৃথিবীর মালিক বানাতে এসেছেন । তিনি বলেন আমি এই পৃথিবীর তিন পা (তিন বর্গ ফুট) জমিও নিই না । তোমরাই এই বিশ্বের মালিক হও । নাটকে আমার এইরকম পার্টই আছে । ভক্তিমার্গেও আমাকেই সকলকে সুখ দিতে হবে । মায়া তোমাদের খুব দুঃখী বানিয়ে দেয় । বাবা তোমাদের সেই দুঃখ থেকে মুক্ত করে শান্তিধাম আর সুখধামে নিয়ে যায় । এই খেলা কেউই জানে না । এখন এক রয়েছে ভক্তির জৌলুস (pomp) আর এক মায়ার জৌলুস । দেখো, সায়েন্স কি কি বানিয়ে ফেলেছে । মানুষ ভাবে আমরা স্বর্গে বসে আছি । বাবা বলেন এ হল সাইন্সের জৌলুস । এইসবও শেষ হওয়ার মুখে । এইসব বড় বড় বাড়ি সবই ভেঙ্গে যাবে তারপর এই সায়েন্সই সত্যযুগে তোমাদের সুখের কাজে আসবে । এই সায়েন্সের দ্বারাই বিনাশ হবে । তারপর এর দ্বারাই তোমরা অনেক সুখ ভোগ করবে । এ সবই খেলা । বাচ্চারা তোমাদের অনেক মিষ্টি স্বভাবের হতে হবে । মাঝা, বাবা কখনো কাউকে দুঃখ দিতেন না । তাঁরা বোঝাতেন বাচ্চারা তোমরা নিজেদের মধ্যেই লড়াই - ঝগড়া করো না । কখনোই মাতা - পিতার সম্মান নষ্ট করো না । এই পার্থিব শরীরের মমত্ব দূর করো । এক বাবাকেই স্মরণ করো । এই দুনিয়ার সবকিছুই শেষ হয়ে যাবার জিনিস, এখন তোমাদের ঘরে যেতে হবে । বাবাকে এই সেবাকাজে সাহায্য করতে হবে । সত্যিকারের ধর্মীয় মুক্তিযোদ্ধা (Salvation Army) তোমরাই , তোমরাই হলে ঈশ্বরের সাহায্যকারী (খুদা-ই খিদমতগার) । বিশ্বের এই ডুবন্ত জাহাজকে তোমরাই পার করে নিয়ে যাবে । তোমরা জান যে এই সৃষ্টিচক্র কিভাবে ঘুরতে থাকে । ভোরবেলা ৩টে - ৪ টের সময় উঠে যদি তোমরা চিন্তন করো তাহলে অনেক খুশীতে থাকতে পারবে আর এই বিষয়ে দৃঢ় নিশ্চিত হবে । *যদি তোমরা রিভাইজ না করো তাহলে মায়া তোমাদের সব ভুলিয়ে দেবে* । তোমরা মন্থন করো যে আজ বাবা তোমাদের কি বুঝিয়েছেন । একান্তে থেকে বিচার সাগর মন্থন করা উচিত । এখানেও একান্ত খুব ভালো রয়েছে । আচ্ছা ।

মিষ্টি - মিষ্টি হারানিধি (সিকিলধে) বাচ্চাদের প্রতি মাতা - পিতা , বাপদাদার স্মরণ , ভালোবাসা এবং সুপ্রভাত । রুহানি বাবার রুহানি বাচ্চাদের নমস্কার ।

ধারণার জন্য মুখ্য সার :-

১) মন - বচন এবং কর্মের দ্বারা কাউকে দুঃখ দেবে না । কারো কথায় মনে আঘাত পাবে না । বাবার মতো প্রেমের সাগর হতে হবে ।

২) একান্তে থেকে বিচার সাগর মন্ডন করতে হবে। এই বিচার সাগর মন্ডন করে তারপর স্নেহের সাথে সকলকে বুঝিয়ে বলতে হবে। বাবার এই সেবাকাজে সাহায্যকারী হতে হবে।

বরদান :- স্নেহের উড়ানের দ্বারা বাবার নৈকট্যের অনুভব করে পাস উইথ অনার হও।

এই স্নেহের শক্তির দ্বারাই সমস্ত বাচ্চারা এগিয়ে চলেছে। এই স্নেহের উড়ান দেহ, মন এবং হৃদয় দিয়ে বাবার কাছে নিয়ে যায়। জ্ঞান, যোগ আর ধারণাতে সকলেই যথাশক্তি নম্বর হিসেবে আসে কিন্তু এই স্নেহতে সকলেই একনম্বর। এই স্নেহতে সকলেই পাস। স্নেহের অর্থ হল বাবার পাশে থাকা আর সব বিষয়ে পাস হওয়া বা যে কোনো পরিস্থিতিতে সহজেই বিজয়ী হওয়া। এমন বাবার নিকটে থাকা সন্তানরাই পাস উইথ অনার হতে পারে।

স্নোগান :- মায়া আর প্রকৃতির ঝড়ে সুরক্ষিত থাকতে হলে বাবার হৃদয় সিংহাসনে বিরাজ করো।